

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Indignatio.

urn:nbn:de:hbz:466:1-30427

In ea. i. de confes. quādō socij possunt interrogari: quia aliquando faciunt in dictum. Vide etiam Sil. ibi. §. 5. De indi ejus vide Caetan. secunda. secundā. q̄stion. 69. argumen. 1. & 2. vbi dicit, quādō indicium debet manifestare factum, & personam & debet manifestari reo, ut sciat in quo articulo sit.

INDIGNATIO.

IN D I G N A T I O est filia iræ, ex qua homo afficitur contra aliquem: quia indignum existimat, ut sibi tale quid fecerit, propter quod reputat illum indignum sua conuersatione, & affabilitate, ex quo sequitur, quādō nō vult illum audire, nec ei loqui, vel videre, & propter inordinatam passionem est peccatum, & communiter veniale, nisi per accidens, ut ratione scandalit: vel quia non vult loqui ei in casu, quo sub præcepto tenetur, secundum Tho. secunda secundā. q. 158. a. 7. Potest etiam esse sine peccato, quando ex iusto rationis iudicio procedit: secundum illud Cræ. Indignantur iusti, sed non dignantes. Hoc est non habentes inordinatum affectū. Secus si propter hoc subtraherent aliquid de necessitate impendendū: quia mortalis esset.

INDVLGENTIA.

IN D V L G E N T I A potest impetrare remissionem pœnae: secundum Fel. in quadam sermone de indulgentia, est remissio pœnae temporalis pro peccatis actualibus penitentiam, non remissis in absolutione sacramentali, facta à Prælato ecclesiæ, ex causa rationabili, pro recompensatione de pœna indebita Christi, & sanctorum, qua nō valer existenti in peccato mortali: vt dicit S. Tho. 4. sent. d. 10. ar. 5. qd. 1. Vnde in omnibus indulgentijs dicitur, contritus, & confessis: saltēm in forma ecclesiæ. Et quia sunt respectu pœnae, & non culpa, licet aliquando in aliqua indulgentia contineatur remissio à pœna, & à culpa, tamen tali tenore nunquam à sede apostol. emanat, ut dicit Fel. in di. tract. Et secundum eundem Fel. vbi. suprā, suf.

sicut quādō sit sine peccato mortali, quādō accipit indulgentiam, & non quando impetrat, vel quando vadit pro accipienda indulgentia, vel quando facit illud, pro quo datur indulgentia, ut eleemosina, ieiunium, vel huiusmodi. Hoc non placet Caeta. ut infra. §. 14.

QVILIBET sacerdos confessor, secundum Innocen. in c. quādō autem Zamb. in cle. religiosi. Panormitan. in cap. sicut dignum. de homici. col. 1. & alios in foro conscientiae potest dare indulgentiam sibi conscientibus: idē bonum est, ut sacerdos in impositione penitentiae dispenset cum consciente circa residuum pœnae, si maiori esset imponenda, ut ibi dicit Pan. Nec obstat cap. accedentes. cum similibus capitulis, quibus prohibetur dare indulgentias: quia aliud est dare indulgentias per literas, aliud in foro conscientiae in absolutione penitentis per sacerdotem, cui non est restricta potestas in indulgentijs in foro penitentiali: licet sit restricta in foro exteriori per bullas, vel publicè concedere indulgentias, ut prælati faciunt, ut dicit Innocent. ibi. suprā. Potest igitur hoc modo sacerdos indulgere dies & annos prout vult, dummodo iustus & discreta faciat. Idem respondeas ad authoritatem Sanct. Thom. 4. sententia. distinctio. 20. ar. 4. quol. 2. Et hoc potest facere sacerdos vi clauium. Sil. in ver. indulgentia. §. 5. dicit quādō sacerdos potest penitentiam debitam minuti peccatori, non applicando merita per modum indulgentia, sed augendo erubescientiam, & contritionem virtute clauium, & exhibendo ministerium in sacramento, in quo Deus aliquid remittit, & orando pro peccatore, & etiam minuendo penam canonum, & ab alio iniunctam in casu, quo minui, & mutari potest, quantum ad aliquid particulatius iniunctum, sed non sic, quin verē peccator teneatur ad illud, aut ad æquivalens, si illud meruit, hsc, vel in purgatorio, quod facit indulgentia.

3 P A P A solus secundum Thom. vbi

suprā.